

Nazboh Yen Beixnuengx Yauzcuz Ciengq-go Diuqfoux Gvaq “Ciet Hoh Fungsou”

那坡县瑶胞欢歌曼舞度“庆丰节”

9 nyied 10 hauh(liggaeuq ndwenbet cocib), gyoengq beixnuengx Yauzcuz Nazboh Yen Bwzswngj Yangh Yavaz Cunh Mbanjgveihlung, ndang daenj buhvaq minzcuz moqsag gyaeuget, riengz gij sing gyonglaz haprwenz haenx ciengqgo diuqfoux, angqhoh aen “ciet hoh fungsou”.

“Ciet hoh fungsou” dwg aen ciet hung minzcuz conzdungj Lanzdenyauz he, lizsij de gyaenanz, beixnuengx Yauzcuz Mbanjgveilung youq binaengz liggaeuq ndwenbet cocib banh aen ciet neix, iucingj bouxhek gak dieg daeuj camgya hozdung. Angqhoh hozdung hingszik lai yiengh, neiyungz fungfouq, miz conzdungj couxhek yizsi

Lanzdenyauz、caeqbaiq yizsi angqhoh fungsou、biujyienj diuqfoux minzcuz daengj, cezmuz ndei yawj raeuh, ndaej daengz bouxyawj bekfwngz caeuq hemq-ndei. Doeklaeng lij gwn ngaizdaizraez dem, hawj gyoengq bouxhek caeuq beixnuengx Yauzcuz caemhdaiz gwn ngaiz, gyalai gyoengq beixnuengx Yauzcuz caeuq beixnuengx minzcuz wng doxgyau doxgiet. Daengx aen hozdung cungfaen baijyienj le gij minzsuz fungcingz Lanzdenyauz daeg-bied gagmiz, yienh’ok le vwnzva maenh-ndei Yauzcuz caeuq gij cingsaenz beixnuengx Yauzcuz gaenx guh maenh’ak.

(Linz Yungzsenh/林荣先)



▲Beixnuengx Yauzcuz diuqfoux angqhoh “ciet hoh fungsou”.



▲Gyoengq yenjyenz byaujyienj “gou youq Byaraiz caj mwngz daeuj”.

“Bet Nyied Cibhaj·Aen Ciet Raeuz” Cawj-daez Hozdung Youq Laj Byaraiz Gawjhengz

“我们的节日·中秋”主题活动在花山岩画脚下举行

9 nyied 8 hauh, Swcigih Vwnzmingzban、Cungzcoj Si Vwnzmingzvej、Ningzmingz Yenvej、Yen Cwngfuj lienzhab gawjbanh 2016 nienz “bet nyied cibhaj·aen ciet raeuz”, cawjdaez hozdung youq ngamqngamq ndaej lied haeuj seiggyaiq vwnzva yizcanj mingzlog, Cojgyangh Byaraiz vehdat vwnzva gingjgvanh hwzsinh gih—aen bingzdaiz yawj Byaraiz Ningzmingz haenx gawjbanh. Hozdung aeu “bet nyied cibhaj” ma guhcawj, cungfaen vetok caeuq senhconz ciet bet nyied cibhaj gij vwnzva naeklaeg caeuq neihaenz de, yinx gyoengq vunzlai caenh-itbough rox ciet conzdungj、nyinhdoengz ciet conzdungj、gyaezhaengj ciet conzdungj、gvaq ndei ciet conzdungj、demgiengz gij cingz gyaezguk, coicaenh vunz caeuq swyenz doxndei doxyouq, caux ndei gij fwnveiz sevei.

(Cauh Yizgangh /周贻刚)

Dah Lauxsae “Ban 90” Maeuq Ndaw Lueg Sonhag

“90后”女教师在大苗山深处的歌舞青春

Siz Cuzyingh bineix ndaej 24 bi, dwg dah sau Myauzcuz Yungzsuiz Myauzcuz Swciyen Gungjdung Yangh, de daj lij iq couh haengj ciengqgo diuqfoux. 2015 nienz de daj Gvangsijh Hozciz Yozyen byaujyienj conhyez bizyez le, gag iugouz ma ndaw mbanj, daengz ndaw yangh cungsim hagdangz dang boux dwzgangj lauxsae he.

Gungjdung Yangh dwg youq ndaw bya lueg, dwg Gvangsijh aen yangh cei qyae cei gungz he. Gyoengq hagseng cungj dwg youq ndaw hagdangz youq, dingzlai hagseng bohmei cungj dwg ok rog bae dajgoeng, gyoengqde cungj dwg gag youq ranz. Dah lauxsae neix dwg aen hangdangz neix daih’it

boux dayoz bwnjgoh bizyez, de hwnjban mbouj geijlai nanz couh raen gyoengq hagseng lumj de doenghbaez lij iq nei haengj ciengqgo diuqfoux. Moix ngoenz cungj muengh hwnj dangzciengqgo, roengzdangz le lij nanznanz mbouj haengj biekhai. Doengzseiz, gyoengq hagseng cuengqhag le mbouj miz gijmaz hong guh hix mbouj miz gijmaz angq. Dangnienz 11 nyied, youq hagdangz cihciz lajde, de banh aen hozcangdonz he, aen hozcangdonz neix dwg daj aen hagdangz neix cauxbaenz daengz seizneix aen daih’it, mbouj geijlai nanz de caiq

banh aen vujdaujdui he. Song aen duivuj neix, gyoengq hagseng dingzlai cungj dwg 8 daengz 13 bi. Daj seizhaenx hwnj, cuengqhag le de couh doxlnwz dwk son gyoengq hagseng hag ciengqgo, hag diuqfoux.

De baenzneix roengzrengz, seizneix aen hozcangdonz neix gaenq ndaej rox ciengq 《Godanq Guekcoj》《Cungguk Lwngyez Senhfungndui Duigoh》caeuq 《Boq Hwnj Aenvenz Ciengq Hwnj Go》daengj go, vujdaujdui gaenq ndaej youq dangqnaj vunzlai yienj 《Go Myauz》《Gyanghaet Bya-myauz》daengj vujdauj miz minzcuz daegsaek haenx.

(Lungz Dauh /龙涛)



▲Siz Cuzyingh caeuq gyoengq hagseng diuqfoux.

Cungzcoj Si Ciuhai 《Fwen Comz Bouxcuengh》Daihseiq Cek Hoih Hong Bienhoiz Beizyin

崇左市召开《壮族山歌集》第四集编译工作培训会



▲Haihoih yienhciengz.

9 nyied 8 hauh, Cungzcoj Si Minzyijvej youq Fuzsuih Yen ciuhai 《Fwen Comz Bouxcuengh》daihseiq cek hoih hong bienhoiz beizyin. 6 aen yen(si、gih) 20 boux vunz bienhoiz camgya aen hoih neix. Aen hoih beizyin neix iucingj Swcigih Minzyijvej Gohyenzcu cucangj Vangz Yuzmungj、diuyenzyenz Vangz Beihingh doiq Cungzcoj Si hong bienhoiz fwen comz Bouxcuengh haenx guh gidij cijdauj.

Youq gwnz hoih,Vangz Yuzmungj gaisau dangqnaj gij raeuz guh hong minzcuz yijvwnz cingzgyang caeuq gij youqgaenj de hawj gyoengq yozyenz. De naeuz vah

minzcuz couhdwg gij hoenz minzcuz, guh hong minzcuz yijvwnz mbouj ndaej gaenj aeu gouz baenz, naeuz gak gaep bouxguh hong minzcuz yijvwnz aeu roengzrengz hag bonjsaeh, nyinhcaen guhndei hong minzcuz yijvwnz swncienz caeuq baujhoh. Vangz Beihingh cix hawj gyoengq yozyenz guh yezvu fujdauj, doiq gij cozbinj ndaej senj haeuj haenx youq Cuengh Gun bienhoiz、biu gozci yinhbyauh、cih saw baizbanj daengj fuengmienh miz vwndiz haenx guh faenloih diemj bingz, lij daez ok yigen baenzlawz gaij caeuq iugouz.

(Liengz Cinbyauh / 梁振标 Luz Gunh / 陆琨)